



# ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

## Ո Ր Ո Շ ՈՒ Մ

29 մարտի 2005թ.

N 174

ք.Ստեփանակերտ

**ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ՏԱՐԱԾՔՈՒՄ ԿԵՆԴԱՆԻՆԵՐԻ ՍԻՐՈՂԱԿԱՆ ՈՐՄԻ ԵՎ ՁԿՆՈՐՍՈՒԹՅԱՆ, ՁԿՆՈՐՍՈՒԹՅԱՆ ԵՎ ՈՐՄԻ ՕԲՅԵԿՏ ՉՀԱՆԴԻՍԱՑՈՂ ԿԵՆԴԱՆԻՆԵՐԻ ՈՐՄԻ ԿԱՏԱՐՄԱՆ ԿԱՆՈՆՆԵՐԸ ՀԱՍՏԱՏԵԼՈՒ ՄԱՍԻՆ**

Լեռնային Ղարաբաղի Հանրապետության կառավարությունը *որոշում է*.

Հաստատել Լեռնային Ղարաբաղի Հանրապետության տարածքում կենդանիների սիրողական որսի և ձկնորսության, ձկնորսության և որսի օբյեկտ չհանդիսացող կենդանիների որսի կատարման կանոնները՝ համաձայն հավելվածի:

**ԼՂՀ ՎԱՐՉԱՊԵՏ**

**Ա. ԴԱՆԻԵԼՅԱՆ**

**Կ Ա Ն Ո Ն Ն Ե Ր**

**ԼԵՌՆԱՅԻՆ ՂԱՐԱՔԱԴԻ ՀԱՆՐԱՊԵՏՈՒԹՅԱՆ ՏԱՐԱԾՔՈՒՄ  
ԿԵՆԴՐԱՆԻՆԵՐԻ ՍԻՐՈՂԱԿԱՆ ՈՐՄԻ ԵՎ ՁԿՆՈՐՍՈՒԹՅԱՆ,  
ՁԿՆՈՐՍՈՒԹՅԱՆ ԵՎ ՈՐՄԻ ՕԲՅԵԿՏ ՉՀԱՆԴԻՍԱՑՈՂ  
ԿԵՆԴՐԱՆԻՆԵՐԻ ՈՐՄԻ ԿԱՏԱՐՄԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կանոններով սահմանվում են Լեռնային Ղարաբաղի Հանրապետության տարածքում կենդանիների սիրողական որսի և ձկնորսության, ձկնորսության և որսի օբյեկտ չհանդիսացող կենդանիների որսի (այսուհետ սիրողական որսի և ձկնորսության) իրականացման միջոցները, եղանակները և ժամկետները:

2. Լեռնային Ղարաբաղի Հանրապետության օրենսդրությամբ սահմանված սիրողական որսի և ձկնորսության օբյեկտ հանդիսացող կենդանիների ցանկում նշված վայրի կենդանիները համարվում են որսի տեսակներ:

3. Լեռնային Ղարաբաղի Հանրապետության սիրողական որսը թույլատրվում է «Ձենփի մասին» Լեռնային Ղարաբաղի Հանրապետության օրենքով սահմանված որսորդական զենքերի օգտագործմամբ:

**II. ՈՐՄԻ ԱՐԳԵԼՎԱԾ ԵՐԱՆԱԿՆԵՐՈՂ ԵՎ ԱՅԼ ՄԱՀՄԱՆԱՓԱԿՈՒՄՆԵՐ**

4. Լեռնային Ղարաբաղի Հանրապետության տարածքում արգելվում է՝

ա) բնակավայրերից, բնակչության հանգստի գոտիներից, բնակչության հանգստի համար օգտագործվող այլ տարածքներից և ավտոմայրուղիներից որսի նպատակով որսորդական ակոսավոր հրազեն գործադրելը, առնվազն 5000 մետր, իսկ ողորկավոր որսորդական հրազենը՝ 500 մետր հեռավորությունից.

բ) որսն իրականացնել առանց տվյալ անձի որսորդական զենք պահելու և կրելու թույլտվությունն իր հետ ունենալու և Լեռնային Ղարաբաղի Հանրապետության օրենսդրությամբ սահմանված սիրողական որս և ձկնորսություն իրականացնելու իրավունքը հաստատող փաստաթղթի.

գ) օրենքով սահմանված կարգով չհաշվառված, օբյեկտների պահպանության համար հատկացված որսորդական հրազենը, ինչպես նաև մարտական զենքը և մարտական փամփուշտը որսի նպատակով գործադրելը.

դ) տվյալ որսատեսակին չհամապատասխանող փամփուշտով կամ տվյալ զենքի համար նախատեսված հեռահարությունից ավելի հեռու գտնվող կենդանիների վրա կրակելը.

ե) ջրային տարածքներում, կերհանդակներում (արոտավայրերում և խոտհարքներում) և ցանքատարածքային ակոսավոր որսորդական հրազեն գործադրելը.

զ) աղեղներ, ծուղակներ (փոսեր), ցանցեր և օղակներ կիրառելը.

է) ծխի, քիմիական և պայթուցիկ նյութերի կիրառմամբ վայրի կենդանիների որսը բացառությամբ հոտավետ խայծների.

ը) որսի ժամանակ լուսարձակներ կամ լուսային այլ հզոր սարքավորումներ կիրառելը.

- թ) մելխանիկական տրանսպորտային միջոցներ կիրառելը.
- ժ) ձվեր հավաքելը, ձագերին բներից հանելը, կենդանիների բների ու որջերի քանդելը.
- ժա) կենդանիների ապրելավայրերը և հավաքատեղերը վնասելն ու ոչնչացնելը.
- ժբ) բնական աղետներից փրկվող և այլ անօգնական վիճակում գտնվող կենդանիների որսը.
- ժգ) էլեկտրոնային ձայն վերարտադրող սարքեր և մագնիտոֆոններ կիրառելը.
- ժդ) առանց թույլտվության վայրի կենդանիներին անազատ պայմաններում պահելը.
- ժե) էլեկտրական հոսանքով որս կատարելը:

### **III. ՈՐՍԻ ԺԱՄԿԵՏՆԵՐԸ (ՈՐՍԱՇՐՋԱՆԸ)**

5. Յուրաքանչյուր տարվա համար սիրողական որսի որսաշրջանը սահմանում է կենդանական աշխարհի պահպանության, պաշտպանության, օգտագործման և վերարտադրության բնագավառում լիազորված մարմինը (այսուհետ՝ լիազորված մարմին)՝ կենդանական աշխարհի ուսումնասիրող սուբյեկտների կողմից օրենքով սահմանված կարգով կատարված ուսումնասիրությունների արդյունքների հիման վրա:

6. Որսաշրջանի բացումից առնվազն 2 ամիս առաջ լիազորված մարմինը Լեռնային Ղարաբաղի Հանրապետության օրենսդրությամբ սահմանված կարգով սահմանում է որսորդական տեսակների ցանկը, յուրաքանչյուր որսորդական տեսակի որսի ժամկետները, չափաբանակները և վայրերը, որի մասին առնվազն մեկ շաբաթվա ընթացքում զանգվածային լրատվության միջոցներով ծանուցում է հասարակայնությանը:

7. Սիրողական ձկնորսության ու որսի օբյեկտ չհանդիսացող կենդանիների յուրաքանչյուր տեսակի որսի և ձկնորսության ժամկետները, չափաբանակները և վայրերը, յուրաքանչյուր ներկայացված հայտի դեպքում, նշվում են Լեռնային Ղարաբաղի Հանրապետության օրենսդրությամբ սահմանված կարգով լիազորված մարմնի հետ վայրի կենդանիների սոցիալական նպատակներով օգտագործման մասին կնքված պայմանագրում:

### **IV. ՈՐՍՈՐԴՆԵՐԻ ՊԱՐՏԱՎՈՐՈՒԹՅՈՒՆՆԵՐԸ**

8. Որսորդների պարտավորությունները սահմանվում են Լեռնային Ղարաբաղի Հանրապետության օրենսդրությամբ:

### **V. ՈՐՍԻ ԿԱՏԱՐՄԱՆ ԻՐԱՎՈՒՆԵՐԸ**

9. Լեռնային Ղարաբաղի Հանրապետությունում սիրողական որսի և ձկնորսության իրավունք ունեն սույն կանոններին իրազեկ այն անձինք, ովքեր ունեն որսորդությամբ զբաղվելու իրավունք վերապահող փաստաթուղթ, Լեռնային Ղարաբաղի Հանրապետության օրենսդրությամբ սահմանված կարգով վճարել են բնօգտագործման վճարները և կնքել սիրողական որսի ու ձկնորսության պայմանագիր, կամ հանդիսանում են այդպիսի պայմանագիր կնքած իրավաբանական անձի անդամներ (աշխատողներ):